

# خادم لحسين الموت أبعدني وعاشور أقبل واترجى ايردني ينشد عني ماتم حزني والموكب فاقدني

اعلى باب المقبرة ومتحير بامري  
صدق أحبابي راحوا وانكسر ظهري؟  
سكت حولي الزمن لحظة و وگف عمري  
أنا بعالم حلم لو يقظة ما ادري  
الصدى ايناديني يفتح جرح لبصدي  
يگلي اعليه جن يا الواگف بقبري

يزاير يا اللي تذكرني بعيد وموتي حاجزني  
وعاشور أقبل هلاله وتحت التراب أنا وحزني

أسمع لقبور أصوات تنادي اعلى العالم هلت ليلة حادي  
وصوت ايفتني ايگلي خذني والموكب فاقدني

يهل لمحرم اعلى الدنيا واتحسر  
اريد اقرا ولو مجلس لبو الأكبر  
خطيب أنا واعوف الخدمة ما اقدر  
ودمع عيني الرواية والجرح مصدر  
مثل شوق العطيش لشربة الكوثر  
يزاير قبوري شوق الناعي للمنبر

أريد اعلى الغريب أنعى وابچي وأخذ الدمعة  
احن لريحة الماتم يحسرة وما إلي رجعة

رايد لو ليلة أنهض من موتي ذاهل بهمومي ورافع صوتي  
يلتذكرني يلتسمعني والموكب فاقدني

(1)

شرف ويا الخدم لو يذكرو اسمي  
عشت بالطف شعر والدنيا مو يمي  
شكول أعلى العزيز البالثري مرمي  
تلف كلبني البچي والله ونحل جسمي  
أجر من روعي لبيات بكثر همي  
عن صواب النحر صرت اكتب ابدمي

ارد لمحرم اتمنى      وأفصل قصة المحنة  
قصيدة بصدري شايلها      وكل بيت بقصر جنة

شايل عاشور وناره بروحي      بحروف أبياتي اتسيل جروحي  
من يرحمني      ودمعي بجفني      والموكب فاقدني

وأنا الأمن صغري خادم والأمل معقود  
يسجلني الحسين بدفتره رادود  
أحن والله وتمنيت الزمان إيعود  
لكل طور وقصيدة والدموع شهود  
يعز اعليه وأنا بهالكبر ممدود  
إذا شفت المواكب والبيارق سود

مدامع روعي سچابه      تفسر شوقي وأسبابه  
إلى حسين بضمايرنه      ولآه يحسين ومصابه

عاشق وجروح حسين بعيني      عاشرت دموعي وليل اونيني  
نازف لحنني      وزايد ونني      والموكب فاقدني

خادم لحسين الموت أبعدني  
وعاشور أقبل واترجى ايردني

## ينشد عني ماتم حزني والموكب فاقدني (2)

وأنا اللي إعلى الصوايح واللطم واعي  
حسيني أمن الولادة لساعة انزاعي  
عشت عمري العزا ما تبرد أوجاعي  
وميت صوت اليتامي ايجرح أسماعي  
أنا أطم تنخلع من صدري أضلاعي  
أنا اوگع لمن اسمع صرخة الناعي

نذر لو ردت أيامي أموت امعذب وظامي  
أموت بسيرة المقتل وأنا أطم قلبي وهامي

فارقت أحبابي وطال غيابي ساكن بچفاني ودار ترابي  
يارب ردني وحقق ظني والموكب فاقدني

خادم لحسين الموت أبعدني  
وعاشور أقبل واترجى ايردني  
ينشد عني ماتم حزني والموكب فاقدني

(3)